



Napa byenet sosyal san respe pour lalwa

Gouvernman LDS i determinen pour garanti ki tou sitwayen i viv dan sekirite. Stablite e lape i esansyel pour en devlopman an bonn sante e sak sitwayen i bezwen santi li angaze pou kree sa lanvironnman apopriye ki permet lepanouisman nou tou. Dan sa moman difisil ki Sesel e lemond pe pas ladan, i absoliman nesesser ki nou devlop sa solidarite nesesser pour nou pei kapab reisi. I annan bokou defi me nou bezwen touzour pare pou sirmont zot.

Enn bann defi pli serye ki pei pe fer fas avek se bann fleo sosyal. Pli serye ladan i reste sa problemn drog. Sa i pli gro defi gouvernman akoz sa fleo drog pe menas nou linite koman en nasyon e menm menas plan gouvernman pou relans nou

lekonomi.

Sak endividi dan kominote i bezwen fer atansyon ki Sesel pa vin en sosyete ki toleran anver labi drog. Letan sosyete i vin toleran anver konsomasyon e komers drog i fer ki travay bann lazans sekirite i vin bokou pli difisil. Pour Sesel reisi dan sa lalit pou elimine drog lo son teritwar, i bezwen zefor tou son zanf. Malerezman, an rezilta pouvwat ekonomik ki trafik drog i ofer bann kartel, serten sitwayen i les zot ganny enfliyanse par rekonpans finansyel pour siport bann konportman endesan dan kominote e menm debout for kont lotorite leta pour defann bann kartel. Sa i tre serye e bann dimoun ki fer sa i otan koupab ki bann kriminel ki zot pe defann. Dan plizyer kominote, bokou zenn pe les zot ganny



Respe pour lalwa i anmenn lape dan kominote

enfliyanse pou met bann lafors sekirite o-defi dan zot lopersayon kont bann fleo sosyal. Sa sitiasyon pa zannen devret ganny tolere par kominote. Respe pour lalwa i fondamantal pour stablite dan pei; san sa pour napa sa

lape nesesser pour devlopman nou zoli Sesel.

Nou gouvernman ek nou lafors sekirite i reste angaze pour etabli lord dan pei a tou pri tou-t-an respekten drwa konstitisyonnal tou sitwayen.

Laliberte i vin avek responsabilite

Seselwa in lager bokou lannen pour ganny son laliberte. Pa ti en lalit fasil e bokou in fer fas avek soufrans e viktimizasyon tou dilon sa parkour. Sistenm represyon ki ti etabli an rezilta koudeta in ganny demoli avek letan. Laviktwar LDS dan eleksyon an Oktob lannen


pase ti kouronn sa lalit. Avek linogirasyon en nouvo ladministrasyon, Seselwa in santi zot pli lib ki zanmen. Ozordi zour zot santi zot kapab dir e fer sa ki zot oule, ler ki zot oule e mannyer zot oule. Sepandan, laliberte i vin avek responsabilite. Nou bezwen rekonnat sa.



Laliberte mouvman i bezwen ganny konpromi pour konbat transmisyon kovid

Laliberte san responsabilite i danzere. Si sa drwa fondamantal ki konstitisyon i donn nou i mal ganny servi, i pour anmenn (kontinyasyon lo paz 2)

Politik korbo i kontinyen



Politik korbo

I paret ki sa lopoziyon denozour pa pour zanmen arete servi soufrans Seselwa pou fer politik avek. Depi zour Sesel in rikord son premye ka lanmor relye avek kovid, zot in sot lo sak ka pou fer propagann politik. Sa kalite politik korbo i nouvo dan Sesel e selman dimoun avek

dezekilib mantal ki mank konpasyon pou soufrans imen ki kapab pran sa semen.

Lemonn antye pe ganny afekte par sa pandemi e gouvrenman Sesel i enn dan bann gouvrenman atraver lemonn ki'n reakte pli vit pour esey met sa pandemi anba kontrol atraver

son kanpanny vaksinasyon. Parey tou lezot gouvrenman atraver lemonn, nou gouvrenman i reste angaze pour mye konpran sa viris e pran bann aksyon apopriye pour minimiz son lenpak lo popilasyon. Avek propagasyon bann nouvo varyan, louvraz bann lazans lasante atraver lemonn in vin deplizanpli difisil. San bann proteksyon nesese, lanmor i inevitab. Olye viz tou nou lenerzi dan direksyon anpes lenfeksyon, lopoziyon in decide fer politik lanmor avek sak ka. Sa i degoutan me zot pa'n aret la.

Wikenn pase, en zenn madanm ti perdi lavi dan en aksidan bato. Si bann lidere

parti in fer zot devwar e vizit lafanmir parey tou dimoun sivilize i fer, sa i byen me zot pa ti fini la. En lot lanmor ti en lot loportinite pou fer politik avek.

Lider lopoziyon ti decide anmenn en kestyon irzan dan Lasanble Nasyonal pou demann Minis Zafer Entern pour vin donn detay lo reaksyon servis sovtaz. Olye les nanm sa madanm repoz anpe, zot oule fer politik korbo avek. Erezman minis pou bezwen letan pour anmas lenformasyon lo sa lensidan prive avan kapab reponn. Fotespere antretan Lider Lopoziyon i realiz lenbesilite son kestyon e retir sa lo bisnes travay Lasanble Nasyonal.

Pour en Sesel pli an sekirite

S emenn pase Lasanble Nasyonal ti aprouv en nouvo lalwa ki ogmant santans pour posesyon zarm. Annefe zot in amann en lalwa ki egziste depi avan Sesel ti ganny son lendependans. Dan lep-ok kolonyal, sitwayen ti annan drwa annan zarm anba bann kondisyon strikt me tousala ti sanze avek koude-ta. Rezim koudeta ti decide anmas tou fizi e aret donn permi pou annan zouti. Malgre tousala, zarm ilegal in afekte lavi bokou Seselwa pour plizyer lannen. Zarm in servi pour vol, vyol e menm pran lavi me pinisyon pour posesyon ti minim.

Prenan kont nou listwar ase vyolan kot zarm ti an abondans dan lanmen sitwayen non-otorize e prenan kont bann defi sosyal ki egziste, gouvrenman in decide pas en lalwa ki pou dekouraz dimoun annan zarm dan zot posesyon.

Apard santans pli sever, gouvrenman in osi donn en dele letan kot bann ki annan zarm ilegal i kapab rann lotorite e pa ganny sarze. Sa amnesti ki prezidan pe ofer an bonn fwa i annan koman bi pou garanti ki Seselwa i viv dan en pei kot zot santi zot an sekirite. Okenn sitwayen pa devret viv dan lensertitid pour zot sekirite.



Laliberte i ...

konsekans ki pa dezirab pour pei. I toutafe normal ki Seselwa i rod lenformasyon e eksprim zot lopinyon san okenn lafreyer. Sa i ede dan kreasyon en sosyete demokratik an bonn sante kot aktivite gouvrenman i ganny fer dan tou transparans.

Laliberte lekspresyon i vin en faktor pozitiv dan devlopman Sesel selman ler i annan laverite e i baze lo fe e la realite. Kot i annan lentansyon malisye e kot lenformasyon i fo, rezilta se konfizyon ki destriktif e danzere pour pei.

Dan sa moman pandemi, i esansyel ki serten

laliberte sitwayen i ganny konpromi dan lentere nasyonal. I annan limitasyon lo mouvman e restriksyon lo groupman avek bi anpes transmisyon viris kovid. I iresponsab pour pa konform avek sa bann regilasyon ki anplas e reklanm nou laliberte mouvman koman enn nou bann drwa fondamantal. Sa kalite latitid pa pour anmenn nou pei devan.

Si nou drwa laliberte pa ganny eksprimen dan en fason responsab, zefor bann ki'n lite pour bokou lannen pour ki nou drwa i ganny respekte pour reste an ven. Annou egzers nou drwa avek bokou matirite.